

Fada: Locual cu sembra ta wordo cosecha

ORANJESTAD – Segun Fundacion Anti Droga Aruba (FADA) hobennan tin hopi cosnan pasando den nan bida personal cu ta pone nan cay den diferente adiccion y p'esey den cuadro di "Siman di hoben" mester sigui hiba e mensahe pa e futuro generacion, John van der Biezen trahado di Fada a bisa.

"Aunke cu nos ta confrontando algun dificultad cu hobennan cu posiblemente of ta pasando den adiccion, nos ta na altura tambe cu tin hopi hoben cu potencial grandi pa

un estudio y asina ekipa nan mes pa despues bin traha pa Aruba. Fada tambe ta enfoca riba esey. "Nos kier ekipa nan mescos cu nan ta ekipa e hobennan na Hulanda of na e otro paisnan grandi cu nan ta bay studia". Segun sr. Van der Biezen. Fada kier ekipa e hobennan cu e bon mensahe pa por preserva, sr. Van der Biezen a bisa. Fada kier preveni cu e hobennan aki cu tin un potencial asina grandi pa nos pais un dia por cay den uzo di substancianan cu ta prohibi. Aportacion di hobennan pa comunidad Hobennan ta hopi valioso pa comunidad. Hopi biaha enfa-



tin un comunidad sano. Nos meta ta pa alcanza tur, kermen esunnan cu kisas por a cay den e uzo, cu ta purbando y esunnan cu no ta den dje. Studentenan cu bay afo Fada a wak un cantidad di hoben cu a bay Hulanda buscando un porvenir, buscando

sis ta wordo poni riba e parti malo so, pero tin un cantidad di hoben eyfo cu si kier duna nan aportacion pa Aruba y kier ta parti di comunidad y kier duna tur cu nan tin pa nan por contribui pa nan pais, segun sr. Van der Biezen. "Stimacion pa nos pais, esey



ta e meta principal cu e hobennan aki ta bay cune".

Programa pa conscientizacion

Pa loke ta trata prevencion, Fada ta enfoca hopi riba hoben, y manera a wordo conoci den comunidad un aña caba e programa Paga Tino a wordo presenta pa medio di gobierno di Aruba conhuntamente cu Fada. Fada ta guiando e proyecto aki caminda cu hobennan ta wordo presenta un programa cu no solamente ta papia over di droga pero ariba diferente nivelnan profundo cu ta tin di haber cu nan. "Nos ta papia over di medianan di comunicacion, ki influencia nan tin, e forma



di experimenta di hoben y nos ta papia riba sexualidad, cu tur por hiba na uzo di droga", sr. Van der Biezen a duna di conoce. E ta un programa amplio cu 6 modulo cu ta encera informacionnan hopi grandi bunita y precioso pa e hoben y caminda cu e hoben tin e oportunidad di expresa su mes. Hopi biaha e forma tradicional ta cu hende grandi ta expresa y no e hoben. Den e caso ki, Fada ta trece e mensahe y akinan tin interaccion, sr. Van der Biezen a splica. E hoben ta conta su experiencia y e ta wordo poni den un posicion caminda e ta bay pensa y e ta bay compara e situacion cu el a biba y e realidad, e hoben tin e oportunidad e ora ey pa scoge miho pe y pa e comunidad, segun sr. van der Biezen.

Problema na cas

"Nos ta na altura si cu hopi biaha pa cierto motibo un mama soltero tin cu traha 2 pa 3 trabou pa asina purba sostene e famia, caminda cu e tata no t'ey, esaki ta un problema grandi aki na Aruba". Kisas e mama of e

tata ta haci su best, pero ta keda falta e tempo di calidad cu mester wordo duna na e yiu. Y hopi biaha e hobennan aki ta manera un spons, nan ta absorbe tur locual ta rond di nan, segun sr. Van der Biezen. "Si bo sembra cariño, amor y bo sembra tempo den nan, lo bo cosecha tempo di calidad, un cariño y un confianza di parti di nan". Pero si bo no ta sembra nada, bo no lo cosecha nada tampoco for di nan, el a agrega. Nan lo busca den e mundo cruel eyfo solucion y alternativa nan pa nan inkietud y pa nan problemanan y hopi biaha ta tuma e decisionnan robes, sr. Van der Biezen a bisa.

E prome factor ta presion social (peer pressure) y e di dos ta e factor social caminda e hoben nan ta wordo hiba pa

tuma cierto decision, no den tur caso pero si bo mid'e, e ta e factor number dos cu e hoben nan ta bay over na uzo di droga.

E presion social (peer pressure) ta bin mas tanto di coleganan di scol y tambe for di e famia. Tin casonan caminda cu mama of tata mes ta conduci nan of bisa bira homber manera papa, di awo caba mi ta siña bo conoce bida. Of e mama ta bisa e tin pena paso e casa a bay, sinta cu mi desahoga mi pena, bebe algo cu mi etc., segun sr. Van der Biezen ta casonan cu Fada a yega di experiencia.

Pa loke ta e programa Paga Tino tin hopi resultado positivo. Reaccionnan tabata bin di parti de esunnan cu ta ricibi e mensahe, pues e hobennan mes, caminda cu nan ta reflexiona por ehempel Fada a trece mensahe den un obra teatral den e luna di Januari/Februari, caminda hopi hoben a reflexiona y pidi nan mayornan despensa pa hopi cosnan cu nan a haci pa falta di conocemento y nan a busca solucionnan robes pa nan problema, sr. Van der Biezen a conclui. □